

觀世音菩薩普門品

佛說阿彌陀經

金剛般若波羅蜜經
(刊合)

藥師瑠璃光如來本願功德經

一切佛經，及闡揚佛法諸書，無不令人趨吉避凶，改過遷善。明三世之因果，識本具之佛性。出生死之苦海，生極樂之蓮邦。讀者必須生感恩心，作難遭想。淨手潔案，主敬存誠。如面佛天，如臨師保。則無邊利益，自可親得。若肆無忌憚，任意褻瀆。及固執管見，妄生毀謗，則罪過彌天，苦報無盡。奉勸世人，當遠罪求益，離苦得樂也。

目錄

觀世音菩薩普門品

—
03

佛說阿彌陀經

—
23

金剛般若波羅蜜經

—
37

藥師琉璃光來本願功德經

—
73

難字索隱

—
104

觀世音菩薩普門品

香讚

爐香乍爇。法界蒙熏。諸佛海會悉遙聞。隨處結祥雲。誠意方殷。諸佛現全身。

南無香雲蓋菩薩摩訶薩（三稱）

淨身業真言

唵 修哆唎 修哆唎 修摩唎 修摩唎 娑婆訶。

淨口業真言

唵 修唎 修唎 摩訶修唎 修修唎 娑婆訶。

淨意業真言

唵 縛日囉 怛訶賀斛。

安土地真言

南無三滿哆 沒馱喃 唵 度嚕度嚕 地尾 薩婆訶。

普供養真言

唵 誑誑曩 三婆嚩 鞞日囉斛。

南無常住十方佛

南無常住十方法

南無常住十方僧

南無本師釋迦牟尼佛（三稱）

南無大悲觀世音菩薩（三稱）

開經偈

無上甚深微妙法
百千萬劫難遭遇
我今見聞得受持
願解如來真實義

妙法蓮華經觀世音菩薩普門品

姚秦天竺三藏法師鳩摩羅什譯

爾時無盡意菩薩即從座起·偏袒右肩·合掌向佛而作是言。
世尊。觀世音菩薩以何因緣名觀世音。佛告無盡意菩薩。善
男子。若有無量百千萬億眾生受諸苦惱·聞是觀世音菩薩·
一心稱名。觀世音菩薩即時觀其音聲·皆得解脫。若有持是
觀世音菩薩名者·設入大火·火不能燒。由是菩薩威神力故。
若為(一)大水所漂·稱其名號·即得淺處。若有百千萬億眾生·
為求金·銀·瑠璃(二)·車渠(三)·碼瑙(四)·珊瑚·琥珀·眞珠
等寶入於大海·假使黑風吹其船舫·漂墮羅刹(五)鬼國。其中

若有乃至一人稱觀世音菩薩名者。是諸人等皆得解脫羅刹之難。以是因緣。名觀世音。若復有人臨當被害。稱觀世音菩薩名者。彼所執刀杖尋段段壞。而得解脫。若三千大千國土滿中夜叉羅刹欲來惱人。聞其稱觀世音菩薩名者。是諸惡鬼尚不能以惡眼視之。況復加害。設復有人若有罪若無罪。杻(六)械枷鎖檢繫其身。稱觀世音菩薩名者。皆悉斷壞。即得解脫。若三千大千國土滿中怨賊。有一商主將(七)諸商人。齎(八)持重寶經過險路。其中一人作是唱言。諸善男子。勿得恐怖。汝等應當一心稱觀世音菩薩名號。是菩薩能以無畏施於眾生。汝等若稱名者。於此怨賊當得解脫。眾商人聞。俱發聲言。南無觀世音菩薩。稱其名故。即得解脫。無盡意。觀世

音菩薩摩訶薩威神之力巍巍如是。若有眾生多於姪(九)欲。常念恭敬觀世音菩薩。便得離欲。若多瞋恚(十)。常念恭敬觀世音菩薩。便得離瞋。若多愚癡。常念恭敬觀世音菩薩。便得離癡。無盡意。觀世音菩薩有如是等大威神力。多所饒益。是故眾生常應心念。若有女人設欲求男。禮拜供養觀世音菩薩。便生福德智慧之男。設欲求女。便生端正有相之女。宿植德本。眾人愛敬。無盡意。觀世音菩薩有如是力。若有眾生恭敬禮拜觀世音菩薩。福不唐捐。是故眾生皆應受持觀世音菩薩名號。無盡意。若有人受持六十二億恆河沙菩薩名字。復盡形供養飲食。衣服。臥具。醫藥。於汝意云何。是善男子善女人功德多不。無盡意言。甚多。世尊。佛言。若

復有人受持觀世音菩薩名號。乃至一時禮拜供養。是二人福正等無異。於百千萬億劫不可窮盡。無盡意。受持觀世音菩薩名號。得如是無量無邊福德之利。無盡意菩薩白佛言。世尊。觀世音菩薩云何遊此娑婆世界。云何而為眾生說法。方便之力。其事云何。佛告無盡意菩薩。善男子。若有國土眾生應以佛身得度者。觀世音菩薩即現佛身而為說法。應以辟支佛身得度者。即現辟支佛身而為說法。應以聲聞身得度者。即現聲聞身而為說法。應以梵王身得度者。即現梵王身而為說法。應以帝釋身得度者。即現帝釋身而為說法。應以自在天身得度者。即現自在天身而為說法。應以大自在天身得度者。即現大自在天身而為說法。應以天大將軍身得度

者。即現天大將軍身而為說法。應以毘^(土)沙門身得度者。即現毘沙門身而為說法。應以小王身得度者。即現小王身而為說法。應以長者身得度者。即現長者身而為說法。應以居士身得度者。即現居士身而為說法。應以宰官身而為說法。即現婆羅門身而為說法。應以比丘。比丘尼。優婆塞。優婆夷身得度者。即現比丘。比丘尼。優婆塞。優婆夷身而為說法。應以長者。居士。宰官。婆羅門婦女身得度者。即現婦女身而為說法。應以童男童女身得度者。即現童男童女身而為說法。應以天。龍。夜叉。乾闥婆^(土)。阿修羅。迦樓羅。緊那羅。摩睺羅伽。人。非人等身得度者。即皆現之而為說法。應以執金剛神得

度者。即現執金剛神而為說法。無盡意。是觀世音菩薩成就如是功德。以種種形遊諸國土。度脫眾生。是故汝等應當一心供養觀世音菩薩。是觀世音菩薩摩訶薩於怖畏急難之中能施無畏。是故此娑婆世界皆號之為施無畏者。無盡意菩薩白佛言。世尊。我今當供養觀世音菩薩。即解頸眾寶珠瓔珞價值百千兩金而以與之。作是言。仁者。受此法施珍寶瓔珞。時觀世音菩薩不肯受之。無盡意復白觀世音菩薩言。仁者。愍我等故。受此瓔珞。爾時佛告觀世音菩薩。當愍此無盡意菩薩及四眾。天。龍。夜叉。乾闥婆。阿修羅。迦樓羅。緊那羅。摩睺羅伽。人。非人等故。受是瓔珞。即時觀世音菩薩愍諸四眾及於天。龍。人。非人等。受其瓔珞。分作二分。

一分奉釋迦牟尼佛。一分奉多寶佛塔。無盡意。觀世音菩薩有如是自在神力。遊於娑婆世界。爾時無盡意菩薩以偈_(土)問曰。

世尊妙相具。我今重問彼。
佛子何因緣。名為觀世音。
具足妙相尊。偈答無盡意。
汝聽觀音行。善應諸方所。
弘誓深如海。歷劫不思議。
侍多千億佛。發大清淨願。
我為汝略說。聞名及見身。
心念不空過。能滅諸有苦。

假使興害意。推落大火坑。
念彼觀音力。火坑變成池。
或漂流巨海。龍魚諸鬼難。
念彼觀音力。波浪不能沒。
或在須彌峰。為人所推墮。
念彼觀音力。如日虛空住。
或被惡人逐。墮落金剛山。
念彼觀音力。不能損一毛。
或值怨賊繞。各執刀加害。
念彼觀音力。咸即起慈心。
或遭王難苦。臨刑欲壽終。

念彼觀音力。刀尋段段壞。
或囚禁枷鎖。手足被杻械。
念彼觀音力。釋然得解脫。
呪詛諸毒藥。所欲害身者。
念彼觀音力。還著於本人。
或遇惡羅刹。毒龍諸鬼等。
念彼觀音力。時悉不敢害。
若惡獸圍繞。利牙爪可怖。
念彼觀音力。疾走無邊方。
蚺蛇及蝮蠍。氣毒煙火然。
念彼觀音力。尋聲自迴去。

雲雷鼓掣電 · 降雹(主澍大)大雨 ·
念彼觀音力 · 應時得消散 ·
眾生被困厄 · 無量苦逼身 ·
觀音妙智力 · 能救世間苦 ·
具足神通力 · 廣修智方便 ·
十方諸國土 · 無刹不現身 ·
種種諸惡趣 · 地獄鬼畜生 ·
生老病死苦 · 以漸悉令滅 ·
眞觀清淨觀 · 廣大智慧觀 ·
悲觀及慈觀 · 常願常瞻仰 ·
無垢清淨光 · 慧日破諸闇 ·

能伏災風火。普明照世間。
悲體戒雷震。慈意妙大雲。
澍甘露法雨。滅除煩惱焰。
諍訟經官處。怖畏軍陣中。
念彼觀音力。眾怨悉退散。
妙音觀世音。梵音海潮音。
勝彼世間音。是故須常念。
念念勿生疑。觀世音淨聖。
於苦惱死厄。能為作依怙。
具一切功德。慈眼視眾生。
福聚海無量。是故應頂禮。

爾時持地菩薩即從座起。前白佛言。世尊。若有眾生聞是觀世音菩薩品自在之業普門示現神通力者。當知是人功德不少。佛說是普門品時。眾中八萬四千眾生皆發無等等阿耨多羅三藐三菩提心。

妙法蓮華經觀世音菩薩普門品 終

南無普陀瑠璃世界大慈大悲觀世音菩薩

（百聲千聲隨意）

南無阿彌陀佛

南無觀世音菩薩

南無大勢至菩薩

南無清淨大海眾菩薩

（各十聲）

讚觀音文

南無過去正法明如來。現前觀世音菩薩。成妙功德。具大慈悲。於一身心。現千手眼。照見法界。護持眾生。令發廣大道心。教持圓滿神呪。永離惡道。得生佛前。無間重愆。纏身惡疾。莫能救濟。悉使消除。三昧辯才。現生求願。咸令果遂。決定無疑。能使速獲三乘。早登佛地。威神之力。歎莫能窮。故我一心歸命頂禮。十方三世一切佛。一切菩薩摩訶薩。摩訶般若波羅蜜。

觀音靈感真言

唵 嘛 呢 叭 彌 吽 嘛 曷 倪 牙 納 積 都 特 巴 達 積 特
些 納 微 達 哩 葛 薩 而 幹 而 塔 卜 哩 悉 塔 葛 納 補
囉 納 納 卜 哩 丟 忒 班 納 唵 嘛 嚧 吉 說 囉 耶 娑
訶。

觀音菩薩滅業障真言

唵 阿 嚧 勒 繼 娑 婆 訶。

觀音菩薩讚

觀音大士。悉號圓通。十二大願誓弘深。苦海度迷津。救苦尋聲。無刹不現身。

南無觀世音菩薩摩訶薩（三稱）

回向偈

願消三障諸煩惱 願得智慧真明了
普願罪障悉消除 世世常行菩薩道

佛說阿彌陀經

南無本師釋迦牟尼佛（三稱）

南無蓮池海會佛菩薩（三稱）

佛說阿彌陀經

姚秦龜茲（一）三藏鳩摩羅什譯

如是我聞。一時佛在舍衛國祇樹給孤獨園（二）。與大比丘僧千二百五十人俱。皆是大阿羅漢。眾所知識。長老舍利弗。摩訶目乾連（三）。摩訶迦葉（四）。摩訶迦梅延（五）。摩訶拘絺羅（六）。離婆多。周梨槃陀迦（七）。難陀（八）。阿難陀（九）。羅睺羅（十）。憍梵波提（十一）。賓頭盧頗羅墮。迦留陀夷。摩訶劫賓那（十二）。薄俱羅（十三）。阿菟樓駄（十四）。如是等諸大弟子。并諸菩薩摩訶薩。文殊師利法

王子·阿逸多菩薩·乾陀訶提菩薩·常精進菩薩·與如是等諸大菩薩·及釋提桓因等無量諸天大眾俱。爾時佛告長老舍利弗。從是西方過十萬億佛土·有世界名曰極樂。其土有佛號阿彌陀·今現在說法。舍利弗。彼土何故名為極樂。其國眾生無有眾苦·但受諸樂·故名極樂。又舍利弗。極樂國土七重欄楯^(大)·七重羅網·七重行樹·皆是四寶周匝^(七)圍繞·是故彼國名曰極樂。又舍利弗。極樂國土有七寶池·八功德水充滿其中·池底純以金沙布地。四邊階道金·銀·琉璃·頗梨^(大)合成。上有樓閣·亦以金·銀·琉璃·頗梨·車渠·赤珠·碼瑙而嚴飾之。池中蓮華大如車輪·青色青光·黃色黃光·赤色赤光·白色白光·微妙香潔。舍利弗。極樂國土成就如

是功德莊嚴。又舍利弗。彼佛國土常作天樂。黃金為地。晝夜六時天雨曼陀羅華。其國眾生常以清旦各以衣祴(衣)盛眾妙華。供養他方十萬億佛。即以食時還到本國。飯食經行。舍利弗。極樂國土成就如是功德莊嚴。復次。舍利弗。彼國常有種種奇妙雜色之鳥。白鵠(鵠)。孔雀。鸚鵡。舍利(舍)。迦陵頻伽(伽)。共命之鳥(鳥)。是諸眾鳥。晝夜六時出和雅音。其音演暢五根。五力。七菩提分。八聖道分如是等法。其土眾生聞是音已。皆悉念佛。念法。念僧。舍利弗。汝勿謂此鳥實是罪報所生。所以者何。彼佛國土無三惡趣。舍利弗。其佛國土尚無三惡道之名。何況有實。是諸眾鳥。皆是阿彌陀佛欲令法音宣流。變化所作。舍利弗。彼佛國土。微風吹動諸寶行

樹及寶羅網。出微妙音。譬如百千種樂同時俱作。聞是音者。皆自然生念佛。念法。念僧之心。舍利弗。其佛國土成就如是功德莊嚴。舍利弗。於汝意云何。彼佛何故號阿彌陀。舍利弗。彼佛光明無量。照十方國。無所障礙。是故號為阿彌陀。又舍利弗。彼佛壽命及其人民無量無邊阿僧祇劫。故名阿彌陀。舍利弗。阿彌陀佛成佛已來。於今十劫。又舍利弗。彼佛有無量無邊聲聞弟子。皆阿羅漢。非是算數之所能知。諸菩薩亦復如是。舍利弗。彼佛國土成就如是功德莊嚴。又舍利弗。極樂國土眾生生者皆是阿鞞跋致^(四)。其中多有一生補處。其數甚多。非是算數所能知之。但可以無量無邊阿僧祇說。舍利弗。眾生聞者。應當發願。願生彼國。所以者何。

得與如是諸上善人俱會一處。舍利弗。不可以少善根福德因緣得生彼國。舍利弗。若有善男子善女人聞說阿彌陀佛。執持名號。若一日。若二日。若三日。若四日。若五日。若六日。若七日一心不亂。其人臨命終時。阿彌陀佛與諸聖眾現在其前。是人終時心不顛倒。即得往生阿彌陀佛極樂國土。舍利弗。我見是利。故說此言。若有眾生聞是說者。應當發願生彼國土。舍利弗。如我今者讚歎阿彌陀佛不可思議功德。東方亦有阿閼鞞佛^(註)。須彌相佛。大須彌佛。須彌光佛。妙音佛。如是等恆河沙數諸佛各於其國出廣長舌相。徧覆三千大千世界。說誠實言。汝等眾生。當信是稱讚不可思議功德一切諸佛所護念經。舍利弗。南方世界有日月燈佛。名聞光佛。

大焰肩佛·須彌燈佛·無量精進佛。如是等恆河沙數諸佛各於其國出廣長舌相·徧覆三千大千世界·說誠實言。汝等眾生·當信是稱讚不可思議功德一切諸佛所護念經。舍利弗。西方世界有無量壽佛·無量相佛·無量幢佛·大光佛·大明佛·寶相佛·淨光佛。如是等恆河沙數諸佛各於其國出廣長舌相·徧覆三千大千世界·說誠實言。汝等眾生·當信是稱讚不可思議功德一切諸佛所護念經。舍利弗。北方世界有焰肩佛·最勝音佛·難沮佛_(其)·日生佛·網明佛。如是等恆河沙數諸佛各於其國出廣長舌相·徧覆三千大千世界·說誠實言。汝等眾生·當信是稱讚不可思議功德一切諸佛所護念經。舍利弗。下方世界有師子佛·名聞佛·名光佛·達摩佛·法幢

佛·持法佛。如是等恆河沙數諸佛各於其國出廣長舌相·徧覆三千大千世界·說誠實言。汝等眾生·當信是稱讚不可思議功德一切諸佛所護念經。舍利弗。上方世界有梵音佛·宿王佛·香上佛·香光佛·大焰肩佛·雜色寶華嚴身佛·娑羅樹王佛·寶華德佛·見一切義佛·如須彌山佛。如是等恆河沙數諸佛各於其國出廣長舌相·徧覆三千大千世界·說誠實言。汝等眾生·當信是稱讚不可思議功德一切諸佛所護念經。舍利弗。於汝意云何。何故名為一切諸佛所護念經。舍利弗。若有善男子善女人聞是經受持者·及聞諸佛名者。是諸善男子善女人·皆為一切諸佛共所護念_(世)·皆得不退轉於阿耨多羅三藐三菩提。是故舍利弗。汝等皆當信受我語及諸佛所說。

舍利弗。若有人已發願。今發願。當發願欲生阿彌陀佛國者。是諸人等皆得不退轉於阿耨多羅三藐三菩提。於彼國土若已生。若今生。若當生。是故舍利弗。諸善男子善女人。若有信者應當發願生彼國土。舍利弗。如我今者稱讚諸佛不可思議功德。彼諸佛等亦稱讚我不可思議功德。而作是言。釋迦牟尼佛能為甚難希有之事。能於娑婆國土五濁惡世劫濁。見濁。煩惱濁。眾生濁。命濁中得阿耨多羅三藐三菩提。為諸眾生說是一切世間難信之法。舍利弗。當知我於五濁惡世行此難事。得阿耨多羅三藐三菩提。為一切世間說此難信之法。是為甚難。佛說此經已。舍利弗及諸比丘一切世間天人阿修羅等聞佛所說。歡喜信受。作禮而去。

佛說阿彌陀經

終

拔一切業障根本得生淨土陀羅尼
南無阿彌多婆夜·哆他伽多夜·哆地夜他·阿彌
利·都婆毘·阿彌利哆·悉耽婆毘·阿彌利哆·
毘迦蘭帝·阿彌利哆·毘迦蘭哆·伽彌膩·伽伽
那·枳多迦利·娑婆訶。(三徧)

讚佛偈

阿彌陀佛身金色 相好光明無等倫
白毫宛轉五須彌 紺目澄清四大海

光中化佛無數億 化菩薩眾亦無邊

四十八願度眾生 九品咸令登彼岸

南無西方極樂世界大慈大悲阿彌陀佛

南無阿彌陀佛
（稱念一千或五百隨意皆得）

南無觀世音菩薩

南無大勢至菩薩

南無清淨大海眾菩薩
（各十稱）

慈雲懺主淨土文

一心歸命 極樂世界 阿彌陀佛 願以淨光照我
慈誓攝我 我今正念 稱如來名 為菩提道 求
生淨土 佛昔本誓 若有眾生 欲生我國 至心
信樂 乃至十念 若不生者 不取正覺 以此念
佛因緣 得入如來 大誓海中 承佛慈力 眾罪
消滅 善根增長 若臨命終 自知時至 身無病
苦 心不貪戀 意不顛倒 如入禪定 佛及聖眾
手執金臺 來迎接我 於一念頃 生極樂國 華
開見佛 即聞佛乘 頓開佛慧 廣度眾生 滿菩
提願 十方三世一切佛 一切菩薩摩訶薩 摩訶
般若波羅蜜。

大慈菩薩發願偈

十方三世佛 阿彌陀第一 九品度眾生 威德無窮極 我今大皈依 懺悔三業罪 凡有諸福善 至心用回向 願同念佛人 感應隨時現 臨終西方境 分明在目前 見聞皆精進 同生極樂國 見佛了生死 如佛度一切 無邊煩惱斷 無量法門修 誓願度眾生 總願成佛道 虛空有盡 我願無窮 情與無情 同圓種智 十方三世一切佛 一切菩薩摩訶薩 摩訶般若波羅蜜。

回向偈

願生西方淨土中

九品蓮華為父母

花開見佛悟無生

不退菩薩為伴侶

金剛般若波羅蜜經

奉請八金剛

奉請青除災金剛

奉請辟毒金剛

奉請黃隨求金剛

奉請白淨水金剛

奉請赤聲火金剛

奉請定持災金剛

奉請紫賢金剛

奉請大神金剛

奉請四菩薩

奉請金剛眷菩薩

奉請金剛索菩薩

奉請金剛愛菩薩

奉請金剛語菩薩

發願文

稽首三界尊

皈命十方佛

我今發宏願 持此金剛經
上報四重恩 下濟三塗苦
若有見聞者 悉發菩提心
盡此一報身 同生極樂國

云何梵

云何得長壽 金剛不壞身
復以何因緣 得大堅固力
云何於此經 究竟到彼岸
願佛開微密 廣為眾生說

南無本師釋迦牟尼佛（三稱）

金剛般若波羅蜜經

姚秦天竺三藏鳩摩羅什譯

法會因由分第一

如是我聞。一時佛在舍衛國祇樹給孤獨園。與大比丘眾千二百五十人俱。爾時世尊食時著衣持鉢。入舍衛大城乞食。於其城中次第乞已。還至本處。飯食訖。收衣鉢。洗足已。敷座而坐。

善現啟請分第二

時長老須菩提在大眾中即從座起。偏袒右肩。右膝著地。合

掌恭敬而白佛言。希有。世尊。如來善護念諸菩薩。善付囑諸菩薩。世尊。善男子善女人發阿耨多羅三藐三菩提心。應云何住。云何降伏其心。佛言。善哉。善哉。須菩提。如汝所說。如來善護念諸菩薩。善付囑諸菩薩。汝今諦聽。當為汝說。善男子善女人發阿耨多羅三藐三菩提心。應如是住。如是降伏其心。唯然。世尊。願樂欲聞。

大乘正宗分第三

佛告須菩提。諸菩薩摩訶薩應如是降伏其心。所有一切眾生之類。若卵生。若胎生。若溼生。若化生。若有色。若無色。若有想。若無想。若非有想非無想。我皆令入無餘涅槃而滅度之。如是滅度無量無數無邊眾生。實無眾生得滅度者。何

以故。須菩提。若菩薩有我相・人相・眾生相・壽者相・即非菩薩。

妙行無住分第四

復次・須菩提。菩薩於法應無所住・行於布施。所謂不住色布施・不住聲香味觸法布施。須菩提。菩薩應如是布施・不住於相。何以故。若菩薩不住相布施・其福德不可思量。須菩提・於意云何・東方虛空可思量不。不也・世尊。須菩提・南西北方四維上下虛空可思量不。不也・世尊。須菩提。菩薩無住相布施福德・亦復如是不可思量。須菩提。菩薩但應如所教住。

如理實見分第五

須菩提。於意云何。以身相見如來不。不也。世尊。不可以身相得見如來。何以故。如來所說身相。即非身相。佛告須菩提。凡所有相皆是虛妄。若見諸相非相。則見如來。

正信希有分第六

須菩提白佛言。世尊。頗有眾生得聞如是言說章句生實信不。佛告須菩提。莫作是說。如來滅後。後五百歲。有持戒修福者。於此章句能生信心。以此為實。當知是人。不於一佛二佛三四五佛而種善根。已於無量千萬佛所種諸善根。聞是章句。乃至一念生淨信者。須菩提。如來悉知悉見。是諸眾生得如

是無量福德。何以故。是諸眾生無復我相。人相。眾生相。壽者相。無法相。亦無非法相。何以故。是諸眾生若心取相。則為著我人眾生壽者。若取法相。即著我人眾生壽者。何以故。若取非法相。即著我人眾生壽者。是故不應取法。不應取非法。以是義故。如來常說。汝等比丘。知我說法如筏喻者。法尚應捨。何況非法。

無得無說分第七

須菩提。於意云何。如來得阿耨多羅三藐三菩提耶。如來有所說法耶。須菩提言。如我解佛所說義。無有定法名阿耨多羅三藐三菩提。亦無有定法如來可說。何以故。如來所說法

皆不可取不可說。非法非非法。所以者何。一切賢聖皆以無為法而有差別。

依法出生分第八

須菩提。於意云何。若人滿三千大千世界七寶以用布施。是人所得福德寧為多不。須菩提言。甚多。世尊。何以故。是福德即非福德性。是故如來說福德多。若復有人於此經中受持乃至四句偈等。為他人說。其福勝彼。何以故。須菩提。一切諸佛及諸佛阿耨多羅三藐三菩提法皆從此經出。須菩提。所謂佛法者。即非佛法。

一相無相分第九

須菩提。於意云何。須陀洹^(二)能作是念。我得須陀洹果不。
須菩提言。不也。世尊。何以故。須陀洹名為入流。而無所
入。不入色聲香味觸法。是名須陀洹。須菩提。於意云何。
斯陀含能作是念。我得斯陀含果不。須菩提言。不也。世尊。
何以故。斯陀含名一往來。而實無往來。是名斯陀含。須菩
提。於意云何。阿那含能作是念。我得阿那含果不。須菩提
言。不也。世尊。何以故。阿那含名為不來。而實無來。是
故名阿那含。須菩提。於意云何。阿羅漢能作是念。我得阿
羅漢道不。須菩提言。不也。世尊。何以故。實無有法名阿
羅漢。世尊。若阿羅漢作是念。我得阿羅漢道。即為著我人

眾生壽者。世尊。佛說我得無諍三昧人中最為第一。是第一離欲阿羅漢。我不作是念。我是離欲阿羅漢。世尊。我若作是念。我得阿羅漢道。世尊則不說須菩提是樂阿蘭那行者(三)。以須菩提實無所行。而名須菩提是樂阿蘭那行。

莊嚴淨土分第十

佛告須菩提。於意云何。如來昔在然燈佛所。於法有所得不。世尊。如來在然燈佛所。於法實無所得。須菩提。於意云何。菩薩莊嚴佛土不。不也。世尊。何以故。莊嚴佛土者。則非莊嚴。是名莊嚴。是故須菩提。諸菩薩摩訶薩應如是生清淨心。不應住色生心。不應住聲香味觸法生心。應無所住而生其心。須菩提。譬如有人身如須彌山王。於意云何。是身為

大不。須菩提言。甚大。世尊。何以故。佛說非身。是名大身。

無為福勝分第十一

須菩提。如恆河中所有沙數。如是沙等恆河。於意云何。是諸恆河沙寧為多不。須菩提言。甚多。世尊。但諸恆河尚多無數。何況其沙。須菩提。我今實言告汝。若有善男子善女人。以七寶滿爾所恆河沙數三千大千世界以用布施。得福多不。須菩提言。甚多。世尊。佛告須菩提。若善男子善女人。於此經中乃至受持四句偈等。為他人說。而此福德勝前福德。

尊重正教分第十二

復次。須菩提。隨說是經乃至四句偈等。當知此處。一切世間天人阿修羅皆應供養。如佛塔廟。何況有人盡能受持讀誦。須菩提。當知是人成就最上第一希有之法。若是經典所在之處。則為有佛。若尊重弟子。

如法受持分第十三

爾時須菩提白佛言。世尊。當何名此經。我等云何奉持。佛告須菩提。是經名為金剛般若波羅蜜。以是名字。汝當奉持。所以者何。須菩提。佛說般若波羅蜜。則非般若波羅蜜。須菩提。於意云何。如來有所說法不。須菩提白佛言。世尊。如來無所說。須菩提。於意云何。三千大千世界所有微塵是為多不。須菩提言。甚多。世尊。須菩提。諸微塵。如來說

非微塵。是名微塵。如來說世界。非世界。是名世界。須菩提。於意云何。可以三十二相見如來不。不也。世尊。不可以三十二相得見如來。何以故。如來說三十二相。即是非相。是名三十二相。須菩提。若有善男子善女人以恆河沙等身命布施。若復有人於此經中乃至受持四句偈等。為他人說。其福甚多。

離相寂滅分第十四

爾時須菩提聞說是經深解義趣。涕淚悲泣而白佛言。希有。世尊。佛說如是甚深經典。我從昔來所得慧眼未曾得聞如是之經。世尊。若復有人得聞是經信心清淨。則生實相。當知

是人成就第一希有功德。世尊。是實相者。則是非相。是故如來說名實相。世尊。我今得聞如是經典。信解受持。不足為難。若當來世。後五百歲。其有眾生得聞是經信解受持。是人則為第一希有。何以故。此人無我相。人相。眾生相。壽者相。所以者何。我相即是非相。人相眾生相壽者相即是非相。何以故。離一切諸相則名諸佛。佛告須菩提。如是。如是。若復有人得聞是經不驚不怖不畏。當知是人甚為希有。何以故。須菩提。如來說第一波羅蜜非第一波羅蜜。是名第一波羅蜜。須菩提。忍辱波羅蜜。如來說非忍辱波羅蜜。何以故。須菩提。如我昔為歌利王割截身體。我於爾時無我相。無人相。無眾生相。無壽者相。何以故。我於往昔節節支解

時·若有我相·人相·眾生相·壽者相·應生瞋恨。須菩提。
又念過去於五百世作忍辱仙人·於爾所世無我相·無人相·
無眾生相·無壽者相。是故須菩提·菩薩應離一切相發阿耨
多羅三藐三菩提心。不應住色生心·不應住聲香味觸法生心·
應生無所住心。若心有住·則為非住。是故佛說菩薩心不應
住色布施。須菩提。菩薩為利益一切眾生·應如是布施。如
來說一切諸相即是非相·又說一切眾生則非眾生。須菩提。
如來是真語者·實語者·如語者·不誑語者·不異語者。須
菩提。如來所得法·此法無實無虛。須菩提。若菩薩心住於
法而行布施·如人入闇則無所見。若菩薩心不住法而行布施·

如人有目。日光明照。見種種色。須菩提。當來之世。若有善男子善女人能於此經受持讀誦。則為如來以佛智慧悉知是人。悉見是人。皆得成就無量無邊功德。

持經功德分第十五

須菩提。若有善男子善女人。初日分以恆河沙等身布施。中日分復以恆河沙等身布施。後日分亦以恆河沙等身布施。如是無量百千萬億劫以身布施。若復有人聞此經典信心不逆。其福勝彼。何況書寫受持讀誦。為人解說。須菩提。以要言之。是經有不可思議不可稱量無邊功德。如來為發大乘者說。為發最上乘者說。若有人能受持讀誦。廣為人說。如來悉知是人。悉見是人。皆得成就不可量不可稱無有邊不可思議功

德。如是人等則為荷擔如來阿耨多羅三藐三菩提。何以故。須菩提。若樂小法者。著我見。人見。眾生見。壽者見。則於此經不能聽受讀誦。為人解說。須菩提。在在處處若有此經。一切世間天人阿修羅所應供養。當知此處則為是塔。皆應恭敬作禮圍繞。以諸華香而散其處。

能淨業障分第十六

復次。須菩提。善男子善女人受持讀誦此經。若為人輕賤。是人先世罪業應墮惡道。以今世人輕賤故。先世罪業則為消滅。當得阿耨多羅三藐三菩提。須菩提。我念過去無量阿僧祇劫。於然燈佛前得值八百四千萬億那由他諸佛。悉皆供養

承事。無空過者。若復有人於後末世能受持讀誦此經。所得功德。於我所供養諸佛功德百分不及一。千萬億分乃至算數譬喻所不能及。須菩提。若善男子善女人。於後末世。有受持讀誦此經。所得功德。我若具說者。或有人聞。心則狂亂。狐疑不信。須菩提。當知是經義不可思議。果報亦不可思議。

究竟無我分第十七

爾時須菩提白佛言。世尊。善男子善女人發阿耨多羅三藐三菩提心。云何應住。云何降伏其心。佛告須菩提。善男子善女人發阿耨多羅三藐三菩提者。當生如是心。我應滅度一切眾生。滅度一切眾生已。而無有一眾生實滅度者。何以故。須菩提。若菩薩有我相人相眾生相壽者相。則非菩薩。所以

者何。須菩提。實無有法發阿耨多羅三藐三菩提者。須菩提。於意云何。如來於然燈佛所。有法得阿耨多羅三藐三菩提不。不也。世尊。如我解佛所說義。佛於然燈佛所。無有法得阿耨多羅三藐三菩提。佛言。如是。如是。須菩提。實無有法如來得阿耨多羅三藐三菩提。須菩提。若有法如來得阿耨多羅三藐三菩提者。然燈佛則不與我受記^(四)。汝於來世當得作佛。號釋迦牟尼。以實無有法得阿耨多羅三藐三菩提。是故然燈佛與我受記。作是言。汝於來世當得作佛。號釋迦牟尼。何以故。如來者。即諸法如義。若有人言。如來得阿耨多羅三藐三菩提。須菩提。實無有法佛得阿耨多羅三藐三菩提。

須菩提。如來所得阿耨多羅三藐三菩提。於是中無實無虛。是故如來說一切法皆是佛法。須菩提。所言一切法者。即非一切法。是故名一切法。須菩提。譬如人身長大。須菩提言。世尊。如來說人身長大。則為非大身。是名大身。須菩提。菩薩亦如是。若作是言。我當滅度無量眾生。則不名菩薩。何以故。須菩提。實無有法名為菩薩。是故佛說一切法無我。無人。無眾生。無壽者。須菩提。若菩薩作是言。我當莊嚴佛土。是不名菩薩。何以故。如來說莊嚴佛土者。即非莊嚴。是名莊嚴。須菩提。若菩薩通達無我法者。如來說名真是菩薩。

一體同觀分第十八

須菩提。於意云何。如來有肉眼不。如是。世尊。如來有肉眼。須菩提。於意云何。如來有天眼不。如是。世尊。如來有天眼。須菩提。於意云何。如來有慧眼不。如是。世尊。如來有慧眼。須菩提。於意云何。如來有法眼不。如是。世尊。如來有法眼。須菩提。於意云何。如來有佛眼不。如是。世尊。如來有佛眼。須菩提。於意云何。恆河中所有沙。佛說是沙不。如是。世尊。如來說是沙。須菩提。於意云何。如一恆河中所有沙。有如是等恆河。是諸恆河所有沙數。佛世界。如是寧為多不。甚多。世尊。佛告須菩提。爾所國土中所有眾生若干種心。如來悉知。何以故。如來說諸心。皆為

非心。是名為心。所以者何。須菩提。過去心不可得。現在心不可得。未來心不可得。

法界通化分第十九

須菩提。於意云何。若有人滿三千大千世界七寶以用布施。是人以是因緣得福多不。如是。世尊。此人以是因緣得福甚多。須菩提。若福德有實。如來不說得福德多。以福德無故。如來說得福德多。

離色離相分第二十

須菩提。於意云何。佛可以具足色身見不。不也。世尊。如來不應以具足色身見。何以故。如來說具足色身。即非具足

色身。是名具足色身。須菩提。於意云何。如來可以具足諸相見不。不也。世尊。如來不應以具足諸相見。何以故。如來說諸相具足。即非具足。是名諸相具足。

非說所說分第二十一

須菩提。汝勿謂如來作是念。我當有所說法。莫作是念。何以故。若人言。如來有所說法。即為謗佛。不能解我所說故。須菩提。說法者。無法可說。是名說法。爾時慧命須菩提白佛言。世尊。頗有眾生於未來世聞說是法生信心不。佛言。須菩提。彼非眾生。非不眾生。何以故。須菩提。眾生眾生者。如來說非眾生。是名眾生。

無法可得分第二十二

須菩提白佛言。世尊。佛得阿耨多羅三藐三菩提。為無所得耶。如是。如是。須菩提。我於阿耨多羅三藐三菩提。乃至無有少法可得。是名阿耨多羅三藐三菩提。

淨心行善分第二十三

復次。須菩提。是法平等。無有高下。是名阿耨多羅三藐三菩提。以無我無人無眾生無壽者。修一切善法。則得阿耨多羅三藐三菩提。須菩提。所言善法者。如來說非善法。是名善法。

福智無比分第二十四

須菩提。若三千大千世界中所有諸須彌山王。如是等七寶聚。有人持用布施。若人以此般若波羅蜜經乃至四句偈等。受持讀誦。為他人說。於前福德百分不及一。百千萬億分乃至算數譬喻所不能及。

化無所化分第二十五

須菩提。於意云何。汝等勿謂如來作是念。我當度眾生。須菩提。莫作是念。何以故。實無有眾生如來度者。若有眾生如來度者。如來則有我人眾生壽者。須菩提。如來說有我者。則非有我。而凡夫之人以為有我。須菩提。凡夫者。如來說則非凡夫。

法身非相分第二十六

須菩提。於意云何。可以三十二相觀如來不。須菩提言。如是。如是。以三十二相觀如來。佛言。須菩提。若以三十二相觀如來者。轉輪聖王則是如來。須菩提白佛言。世尊。如我解佛所說義。不應以三十二相觀如來。爾時世尊而說偈言。

若以色見我 以音聲求我
是人行邪道 不能見如來

無斷無滅分第二十七

須菩提。汝若作是念。如來不以具足相故。得阿耨多羅三藐三菩提。須菩提。莫作是念。如來不以具足相故。得阿耨多羅三藐三菩提。須菩提。汝若作是念。發阿耨多羅三藐三菩

提者。說諸法斷滅相。莫作是念。何以故。發阿耨多羅三藐三菩提心者。於法不說斷滅相。

不受不貪分第二十八

須菩提。若菩薩以滿恆河沙等世界七寶布施。若復有人知一切法無我得成於忍。此菩薩勝前菩薩所得功德。須菩提。以諸菩薩不受福德故。須菩提白佛言。世尊。云何菩薩不受福德。須菩提。菩薩所作福德不應貪著。是故說不受福德。

威儀寂靜分第二十九

須菩提。若有人言。如來若來若去。若坐若臥。是人不解我所說義。何以故。如來者。無所從來。亦無所去。故名如來。

一合理相分第三十

須菩提。若善男子善女人。以三千大千世界碎為微塵。於意云何。是微塵眾寧為多不。甚多。世尊。何以故。若是微塵眾實有者。佛則不說是微塵眾。所以者何。佛說微塵眾。則非微塵眾。是名微塵眾。世尊。如來所說三千大千世界。則非世界。是名世界。何以故。若世界實有者。則是一合相。如來說一合相。則非一合相。是名一合相。須菩提。一合相者。則是不可說。但凡夫之人貪著其事。

知見不生分第三十一

須菩提。若人言。佛說我見人見眾生見壽者見。須菩提。於

意云何。是人解我所說義不。世尊。是不解如來所說義。何以故。世尊說我見人見眾生見壽者見。即非我見人見眾生見壽者見。是名我見人見眾生見壽者見。須菩提。發阿耨多羅三藐三菩提心者。於一切法應如是知。如是見。如是信解。不生法相。須菩提。所言法相者。如來說即非法相。是名法相。

應化非真分第三十二

須菩提。若有人以滿無量阿僧祇世界七寶持用布施。若有善男子善女人發菩薩心者。持於此經乃至四句偈等。受持讀誦。為人演說。其福勝彼。云何為人演說。不取於相。如如不動。

何以故。

一切有為法 如夢幻泡影
如露亦如電 應作如是觀

佛說是經已。長老須菩提及諸比丘。比丘尼。優婆塞。優婆夷。一切世間天人阿修羅聞佛所說。皆大歡喜。信受奉行。

金剛般若波羅蜜經

終

金剛心陀羅尼

唵 烏倫尼 娑婆訶。

補闕圓滿真言

唵 呼嚧呼嚧 社曳穆契 莎訶。

普回向真言

唵 娑麼囉 娑麼囉 彌麼曩 薩縛訶 麼訶斫
迦囉縛訶。

金剛讚

斷疑生信 絕相超宗 頓忘人法解真空 般若味
重重 四句融通 福德壽 普昌隆
南無金剛會上佛菩薩（三稱）

回向偈

願以此功德 普及於一切
我等與眾生 皆共成佛道

般若波羅蜜多心經

觀自在菩薩。行深般若波羅蜜多時。照見五蘊皆空。度一切苦厄。舍利子。色不異空。空不異色。色即是空。空即是色。受想行識。亦復如是。舍利子。是諸法空相。不生不滅。不垢不淨。不增不減。是故空中無色。無受想行識。無眼耳鼻舌身意。無色聲香味觸法。無眼界。乃至無意識界。無無明。亦無無明盡。乃至無老死。亦無老死盡。無苦集滅道。無智亦無得。以無所得故。菩提薩埵。依般若波羅蜜多故。心無罣礙。無罣礙故。無有恐怖。遠離顛倒夢想。究竟涅槃。三世諸佛。依般若波羅蜜多故。得阿耨多羅三藐三菩提。故知

般若波羅蜜多。是大神呪。是大明呪。是無上呪。是無等等呪。能除一切苦。真實不虛。故說般若波羅蜜多呪。即說呪曰。揭諦揭諦。波羅揭諦。波羅僧揭諦。菩提薩婆訶。

楞嚴心呪

唵 阿那嚩 毘舍提 鞞囉跋闍囉陀唎 槃陀槃陀你 跋闍囉謗尼泮 虎訖都嚧甕泮 娑婆訶。

求智慧呪

唵 婆囉婆囉 三婆囉 三婆囉 印涅槃野 彌輪陀尼 哈嚕哈嚕 折利曳 莎訶。

佛說七俱胝佛母準提大明陀羅尼

（準提譯曰清淨，讚歎心性清淨之稱；稱為天人丈夫觀音。此滿願咒，凡有正當祈求，必得稱遂。）

稽首皈依蘇悉帝 頭面頂禮七俱胝

我今稱讚大準提 惟願慈悲垂加護

南無颯哆喃 三藐三菩陀 俱胝喃 怛姪他 唵
折隸主戾 準提 娑婆訶。

回向偈

我昔所造諸惡業 皆由無始貪瞋癡
從身語意之所生 一切我今皆懺悔

我今持誦大準提
願我定慧速圓明
願我勝福徧莊嚴

即發菩提廣大願
願我功德皆成就
願共眾生成佛道

藥師瑠璃光如來本願功德經

南無本師釋迦牟尼佛（三稱）

南無藥師海會佛菩薩（三稱）

藥師瑠璃^(一)光如來本願功德經

大唐三藏法師玄奘奉詔譯

如是我聞。一時薄伽梵^(二)遊化諸國至廣嚴城^(三)。住樂音樹下。與大苾芻^(四)眾八千人俱。菩薩摩訶薩三萬六千。及國王大臣婆羅門居士。天龍藥叉人非人等。無量大眾恭敬圍繞。而為說法。

爾時曼殊室利^(五)法王子承佛威神從座而起。偏袒一肩。右膝著地。向薄伽梵曲躬合掌。白言。世尊。惟願演說如是相類

諸佛名號及本大願殊勝功德。令諸聞者業障消除。為欲利樂像法轉時諸有情故。

爾時世尊讚曼殊室利童子言。善哉。善哉。曼殊室利。汝以大悲勸請我說諸佛名號本願功德。為拔業障所纏有情。利益安樂像法轉時諸有情故。汝今諦聽。極善思惟。當為汝說。曼殊室利言。唯然。願說。我等樂聞。佛告曼殊室利。東方去此過十殑伽沙^(六)等佛土。有世界名淨瑠璃。佛號藥師瑠璃光如來。應正等覺。明行圓滿。善逝。世間解。無上丈夫。調御士^(七)。天人師。佛。薄伽梵。曼殊室利。彼世尊藥師瑠璃光如來本行菩薩道時發十二大願。令諸有情所求皆得。

第一大願。願我來世得阿耨多羅三藐三菩提時。自身光明熾

然·照曜(八)無量無數無邊世界·以三十二大丈夫相八十隨好莊嚴其身·令一切有情如我無異。

第二大願。願我來世得菩提時·身如瑠璃內外明徹·淨無瑕穢·光明廣大·功德巍巍·身善安住·焰網莊嚴過於日月·幽冥眾生悉蒙開曉·隨意所趣作諸事業。

第三大願。願我來世得菩提時·以無量無邊智慧方便·令諸有情皆得無盡所受用物·莫令眾生有所乏少。

第四大願。願我來世得菩提時·若諸有情行邪道者·悉令安住菩提道中。若行聲聞獨覺乘者·皆以大乘而安立之。

第五大願。願我來世得菩提時·若有無量無邊有情於我法中

極生厭離。願捨女身。聞我名已。一切皆得轉女成男。具丈夫相。乃至證得無上菩提。

第九大願。願我來世得菩提時。令諸有情出魔^(土)網。解脫一切外道纏縛。若墮種種惡見稠林。皆當引攝置於正見。漸令修習諸菩薩行。速證無上正等菩提。

第十大願。願我來世得菩提時。若諸有情王法所錄。纍縛鞭撻^(土)。繫閉牢獄。或當刑戮。及餘無量災難凌辱。悲愁煎迫。身心受苦。若聞我名。以我福德威神力故。皆得解脫一切憂苦。

第十一大願。願我來世得菩提時。若諸有情飢渴所惱。為求

食故。造諸惡業。得聞我名。專念受持。我當先以上妙飲食飽足其身。後以法味畢竟安樂而建立之。

第十二大願。願我來世得菩提時。若諸有情貧無衣服。蚊虻(土)寒熱晝夜逼惱。若聞我名專念受持。如其所好。即得種種上妙衣服。亦得一切寶莊嚴具。華鬘塗香。鼓樂眾伎。隨心所翫(土)。皆令滿足。

曼殊室利。是為彼世尊藥師瑠璃光如來。應正等覺。行菩薩道時。所發十二微妙上願。

復次。曼殊室利。彼世尊藥師瑠璃光如來行菩薩道時。所發大願及彼佛土功德莊嚴。我若一劫若一劫餘說不能盡。然彼佛土一向清淨。無有女人。亦無惡趣及苦音聲。瑠璃為地。

金繩界道・城闕^(土)宮閣軒窗羅網皆七寶成。亦如西方極樂世界・功德莊嚴等無差別。於其國中有二菩薩摩訶薩・一名日光徧照・二名月光徧照・是彼無量無數菩薩眾之上首・悉能持彼世尊藥師瑠璃光如來正法寶藏。是故曼殊室利。諸有信心善男子善女人等・應當願生彼佛世界。

爾時世尊復告曼殊室利童子言。曼殊室利。有諸眾生不識善惡・唯懷貪恚^(大)・不知布施及施果報・愚癡無智・闕^(土)於信根・多聚財寶・勤加守護。見乞者來・其心不喜・設不獲已而行施時・如割身肉深生痛惜。復有無量慳貪有情・積集資財・於其自身尚不受用・何況能與父母妻子奴婢作使及來乞者。

彼諸有情從此命終。生餓鬼界或旁生趣。由昔人間曾得暫聞藥師瑠璃光如來名故。念在惡趣。暫得憶念彼如來名。即於念時從彼處沒。還生人中。得宿命念。畏惡趣苦。不樂欲樂。好行惠施。讚歎施者。一切所有悉無貪惜。漸次尚能以頭目手足血肉身分施來求者。況餘財物。

復次。曼殊室利。若諸有情雖於如來受諸學處而破尸羅。有雖不破尸羅而破軌則。有於尸羅軌則雖得不壞。然毀正見。有雖不毀正見而棄多聞。於佛所說契經深義不能解了。有雖多聞而增上慢。由增上慢覆蔽心故。自是非他。嫌謗正法。為魔伴黨。如是愚人自行邪見。復令無量俱胝(大)有情墮大險坑。此諸有情應於地獄旁生鬼趣流轉無窮。若得聞此藥師瑠

璃光如來名號。便捨惡行修諸善法。不墮惡趣。設有不能捨諸惡行修行善法。墮惡趣者。以彼如來本願威力。令其現前暫聞名號。從彼命終還生人趣。得正見精進。善調意樂。便能捨家趣於非家。如來法中受持學處。無有毀犯。正見多聞。解甚深義。離增上慢。不謗正法。不為魔伴。漸次修行諸菩薩行速得圓滿。

復次。曼殊室利。若諸有情慳貪嫉妒自讚毀他。當墮三惡趣中。無量千歲受諸劇苦。受劇苦已。從彼命終來生人間。作牛馬駝驢。恆被鞭撻。飢渴逼惱。又常負重隨路而行。或得為人。生居下賤。作人奴婢。受他驅役。恆不自在。若昔人

中曾聞世尊藥師瑠璃光如來名號。由此善因。今復憶念。至心歸依。以佛神力。眾苦解脫。諸根聰利。智慧多聞。恆求勝法。常遇善友。永斷魔胃。破無明殼(九)。竭煩惱河。解脫一切生老病死憂愁苦惱。

復次。曼殊室利。若諸有情好憙(廿)乖離。更相鬥訟。惱亂自他。以身語意造作增長種種惡業。展轉常為不饒益事。互相謀害。告召山林樹冢等神。殺諸眾生。取其血肉祭祀藥叉羅刹(廿)等。書怨人名。作其形像。以惡呪術而呪詛之。厭媚(廿)蠱道。呪起屍鬼。令斷彼命及壞其身。是諸有情若得聞此藥師瑠璃光如來名號。彼諸惡事悉不能害。一切展轉皆起慈心。利益安樂。無損惱意及嫌恨心。各各歡悅。於自所受生於喜足。

不相侵凌・互為饒益。

復次・曼殊室利。若有四眾苾芻苾芻尼鄔波索迦鄔波斯迦(註)及餘淨信善男子善女人等・有能受持八分齋戒・或經一年或復三月受持學處・以此善根願生西方極樂世界無量壽佛所聽聞正法而未定者。若聞世尊藥師瑠璃光如來名號・臨命終時有八菩薩・(其名曰曼殊室利菩薩・觀世音菩薩・得大勢菩薩・無盡意菩薩・寶檀華菩薩・藥王菩薩・藥上菩薩・彌勒菩薩・註：玄奘所譯之藥師經中不列八菩薩名；今本載之，蓋後人據佛說灌頂拔除過罪生死得脫經而補入者。)乘神通來示其道路・即於彼界種種雜色眾寶華中自然化生・或有因此生於天上・雖生天中而本善根亦未窮盡・不復更生諸餘惡趣・天上壽盡

還生人間。或為輪王統攝四洲。威德自在。安立無量百千有情於十善道。或生剎帝利婆羅門居士大家。多饒財寶倉庫盈溢。形相端嚴。眷屬具足。聰明智慧。勇健威猛如大力士。若是女人得聞世尊藥師如來名號。至心受持。於後不復更受女身。

（復次。曼殊室利。彼藥師瑠璃光如來得菩提時。由本願力觀諸有情遇眾病苦。瘦瘵^其乾消黃熱等病。或被厭魅蠱毒所中。或復短命。或時橫死。欲令是等病苦消除所求願滿。時彼世尊入三摩地。名曰除滅一切眾生苦惱。既入定已。於肉髻中出大光明中演說大陀羅尼曰。南無薄伽伐帝。鞞殺社鞞嚩。薛瑠璃鉢喇婆喝囉闍也。怛陀揭多邪。阿囉喝帝。三藐

三勃陀邪。怛姪陀。唵。鞞殺逝。鞞殺逝。鞞殺社。三沒揭帝。莎訶。爾時光中說此呪已。大地震動放大光明。一切眾生痛苦皆除。受安隱樂。曼殊室利。若見男子女人有病苦者。應當一心為彼病人常清淨澡漱。或食或藥或無蟲水呪一百八徧與彼服食。所有病苦悉皆消滅。若有所求。至心念誦。皆得如是。無病延年。命終之後生彼世界。得不退轉。乃至菩提。是故曼殊室利。若有男子女人。於彼藥師瑠璃光如來至心殷重恭敬供養者。常持此呪勿令廢忘。復次。曼殊室利。若有淨信男子女人。得聞藥師瑠璃光如來應正等覺所有名號。聞已誦持。晨嚼齒木澡漱清淨。以諸香華燒香塗香。作

眾伎樂供養形像。於此經典若自書若教人書。一心受持。聽聞其義。於彼法師應修供養。一切所有資身之具悉皆於與_(其)勿令乏少。如是便蒙諸佛護念。所求願滿。乃至菩提。

註：此段經文，

蓋後人據佛說灌頂拔除過罪生死得脫經而補入者。此灌頂經即全本的七佛藥師經。）

爾時曼殊室利童子白佛言。世尊。我當誓於像法轉時。以種種方便令諸淨信善男子善女人等得聞世尊藥師瑠璃光如來名號。乃至睡中亦以佛名覺悟其耳。世尊。若於此經受持讀誦。或復為他演說開示。若自書若教人書。恭敬尊重。以種種華香。塗香。末香。燒香。華鬘。瓔珞。幡蓋。伎樂而為供養。以五色綵作囊盛之。掃灑淨處。敷設高座而用安處。爾時四大天王與其眷屬及餘無量百千天眾皆詣其所供養守護。世

尊。若此經寶流行之處，有能受持，以彼世尊藥師瑠璃光如來本願功德及聞名號，當知是處無復橫死，亦復不為諸惡鬼神奪其精氣。設已奪者還得如故，身心安樂。

佛告曼殊室利。如是。如是。如汝所說。曼殊室利。若有淨信善男子善女人等欲供養彼世尊藥師瑠璃光如來者，應先造立彼佛形像，敷清淨座而安處之，散種種華，燒種種香，以種種幢幡莊嚴其處。七日七夜受持八分齋戒，食清淨食，澡浴香潔，著新淨衣，應生無垢濁心無怒害心，於一切有情起利益安樂慈悲喜捨平等之心。鼓樂歌讚右繞佛像。復應念彼如來本願功德，讀誦此經，思惟其義，演說開示。隨所樂求，

一切皆遂。求長壽得長壽。求富饒得富饒。求官位得官位。求男女得男女。若復有人忽得惡夢。見諸惡相或怪鳥來集。或於住處百怪出現。此人若以眾妙資具恭敬供養彼世尊藥師琉璃光如來者。惡夢惡相諸不吉祥皆悉隱沒不能為患。或有水。火。刀。毒。懸。嶮。惡象。師子。虎。狼。熊。羆。毒蛇。惡蠍。蜈蚣。蚰蜒。蚊虻等怖。若能至心憶念彼佛。恭敬供養。一切怖畏皆得解脫。若他國侵擾。盜賊反亂。憶念恭敬彼如來者。亦皆解脫。

復次。曼殊室利。若有淨信善男子善女人等。乃至盡形不事餘天。惟當一心歸佛法僧。受持禁戒。若五戒。十戒。菩薩四百戒。苾芻二百五十戒。苾芻尼五百戒。於所受中或有毀

犯・怖墮惡趣。若能專念彼佛名號・恭敬供養者・必定不受三惡趣生。或有女人臨當產時受於極苦・若能至心稱名禮讚恭敬供養彼如來者・眾苦皆除・所生之子身分具足・形色端正・見者歡喜・利根聰明・安隱少病・無有非人奪其精氣。爾時世尊告阿難言。如我稱揚彼佛世尊藥師瑠璃光如來所有功德・此是諸佛甚深行處・難可解了。汝為信不。阿難白言。大德世尊。我於如來所說契經不生疑惑。所以者何。一切如來身語意業無不清淨。世尊。此日月輪可令墮落・妙高山王可使傾動・諸佛所言無有異也。世尊。有諸眾生信根不具・聞說諸佛甚深行處・作是思惟。云何但念藥師瑠璃光如來一

佛名號。便獲爾所功德勝利。由此不信。反生誹謗。彼於長夜失大利樂。墮諸惡趣。流轉無窮。佛告阿難。是諸有情若聞世尊藥師瑠璃光如來名號。至心受持。不生疑惑。墮惡趣者。無有是處。阿難。此是諸佛甚深所行。難可信解。汝今能受。當知皆是如來威力。阿難。一切聲聞獨覺及未登地諸菩薩等皆悉不能如實信解。惟除一生所繫菩薩。阿難。人身難得。於三寶中信敬尊重亦難可得。得聞世尊藥師瑠璃光如來名號復難於是。阿難。彼藥師瑠璃光如來無量菩薩行。無量善巧方便。無量廣大願。我若一劫若一劫餘而廣說者。劫可速盡。彼佛行願善巧方便無有盡也。

爾時眾中有一菩薩摩訶薩名曰救脫。即從座起。偏袒右肩。

右膝著地。曲躬合掌而白佛言。大德世尊。像法轉時。有諸眾生為種種患之所困厄。長病羸瘦不能飲食。喉脣乾燥。見諸方暗。死相現前。父母親屬朋友知識啼泣圍繞。然彼自身臥在本處。見琰魔使(其)引其神識至于琰魔法王之前。然諸有情有俱生神。隨其所作若罪若福皆具(其)書之。盡持授與琰魔法王。爾時彼王推問其人。算計所作。隨其罪福而處斷之。時彼病人親屬知識若能為彼歸依世尊藥師瑠璃光如來。請諸眾僧轉讀此經。然七層之燈。懸五色續命神幡。或有是處彼識得還。如在夢中明了自見。或經七日。或二十一日。或三十五日。或四十九日。彼識還時。如從夢覺。皆自憶知善不善

業所得果報。由自證見業果報故。乃至命難亦不造作諸惡之業。是故淨信善男子善女人等。皆應受持藥師瑠璃光如來名號。隨力所能恭敬供養。

爾時阿難問救脫菩薩曰。善男子。應云何恭敬供養彼世尊藥師瑠璃光如來。續命幡燈復云何造。救脫菩薩言。大德。若有病人欲脫病苦。當為其人七日七夜受持八分齋戒。應以飲食及餘資具隨力所辦供養苾芻僧。晝夜六時禮拜供養彼世尊藥師瑠璃光如來。讀誦此經四十九遍。然四十九燈。造彼如來形像七軀。一一像前各置七燈。一一燈量大如車輪。乃至四十九日光明不絕。造五色綵幡長四十九搽州手。應放雜類眾生至四十九。可得過度危厄之難。不為諸橫惡鬼所持。

復次·阿難。若刹帝利灌頂王等災難起時·所謂人眾疾疫難·他國侵逼難·自界叛逆難·星宿變怪難·日月薄蝕難·非時風雨難·過時不雨難。彼刹帝利灌頂王等·爾時應於一切有情起慈悲心·赦諸繫閉·依前所說供養之法供養彼世尊藥師瑠璃光如來。由此善根及彼如來本願力故·令其國界即得安隱^(卅)·風雨順時·穀稼成熟·一切有情無病歡樂。於其國中無有暴虐藥叉等神惱有情者·一切惡相皆即隱沒。而刹帝利灌頂王等壽命色力無病自在皆得增益。阿難。若帝后妃主儲君王子大臣輔相中宮采女^(卅)百官黎庶為病所苦及餘厄難·亦應造立五色神幡·然燈續明·放諸生命·散雜色華·燒眾名香。

病得除愈^(卅)。眾難解脫。

爾時阿難問救脫菩薩言。善男子。云何已盡之命而可增益。救脫菩薩言。大德。汝豈不聞如來說有九橫死耶。是故勸造續命幡燈。修諸福德。以修福故。盡其壽命不經苦患。阿難問言。九橫云何。救脫菩薩言。有諸有情得病雖輕。然無醫藥及看病者。設復遇醫。授以非藥。實不應死而便橫死。又信世間邪魔外道妖孽之師。妄說禍福。便生恐動。心不自正。卜問覓禍。殺種種眾生。解奏神明。呼諸魍魎。請乞福祐。欲冀延年。終不能得。愚癡迷惑。信邪倒見。遂令橫死。入於地獄無有出期。是名初橫。二者橫被王法之所誅戮。三者畋獵嬉戲。耽婬嗜酒。放逸無度。橫為非人奪其精氣。四者

橫為火焚。五者橫為水溺。六者橫為種種惡獸所瞰。七者橫墮山崖。八者橫為毒藥厭禱_(世)呪詛起屍鬼等之所中害。九者飢渴所困。不得飲食而使橫死。是為如來略說橫死有此九種。其餘復有無量諸橫。難可具說。

復次。阿難。彼琰魔王主領世間名籍之記。若諸有情不孝五逆。破辱三寶。壞君臣法。毀於信戒。琰魔法王隨罪輕重考而罰之。是故我今勸諸有情然燈造幡。放生修福。令度苦厄。不遭眾難。

爾時眾中有十二藥叉大將俱在會坐_(世)。所謂

宮毘羅大將

伐折羅大將

迷企羅大將

安底羅大將

頹備羅(樊)大將

珊底羅大將

因達羅大將

波夷羅大將

摩虎羅大將

眞達羅大將

招杜羅大將

毘羯羅大將

此十二藥叉大將。一一各有七千藥叉以為眷屬。同時舉聲白佛言。世尊。我等今者蒙佛威力。得聞世尊藥師瑠璃光如來名號。不復更有惡趣之怖。我等相率皆同一心。乃至盡形歸佛法僧。誓當荷負一切有情。為作義利。饒益安樂。隨於何等村城國邑空閑林中。若有流布此經。或復受持藥師瑠璃光如來名號。恭敬供養者。我等眷屬衛護是人。皆使解脫一切

苦難。諸有願求悉令滿足。或有疾厄求度脫者。亦應讀誦此經。以五色纒結我名字。得如願已。然後解結。

爾時世尊讚諸藥叉大將言。善哉。善哉。大藥叉將。汝等念報世尊藥師瑠璃光如來恩德者。常應如是利益安樂一切有情。爾時阿難白佛言。世尊。當何名此法門。我等云何奉持。佛告阿難。此法門名說藥師瑠璃光如來本願功德。亦名說十二神將饒益有情結願神呪。亦名拔除一切業障。應如是持。時薄伽梵說是語已。諸菩薩摩訶薩及大聲聞。國王。大臣。婆羅門。居士。天。龍。藥叉。捷_(世)達縛。阿素洛。揭路荼。緊捺洛。莫呼洛伽。人。非人等一切大眾聞佛所說。皆大歡

喜·信受奉行。

藥師瑠璃光如來本願功德經

終

藥師呪

南無薄伽伐帝。鞞殺社窣嚩𑖀。辟瑠璃鉢喇婆喝囉
闍也。怛陀揭多邪𑖀。阿囉喝帝。三藐三勃陀邪。
怛姪陀。唵。鞞殺逝。鞞殺逝。鞞殺社。三沒揭
帝。莎訶。

藥師讚

藥師如來瑠璃光 誓願宏深世莫量
顯令生善集福慶 密使滅惡消禍殃

拔苦必期二死盡 與樂直教萬德彰

法界聖凡同歸命 蒙恩速得證眞常

南無東方淨瑠璃世界 藥師瑠璃光如來

南無消災延壽藥師佛 (百千聲隨意)

南無藥師海會佛菩薩 (三稱)

消解病呪

唵。室哩哆。室哩哆。暉吒唎。莎訶。

地藏菩薩滅定業眞言

唵。鉢囉末鄰陀寧。娑婆訶。

解冤結眞言

唵。三多囉。佉多。莎訶。

解結解結解冤結。解了多生冤和業。洗心滌慮發
虔誠。今對佛前求解結。藥師佛。藥師佛。消災
延壽藥師佛。隨心滿願藥師佛。

讚

藥師會上 熾盛光王 十二大願妙難量 苦海作

舟航 廣大吉祥 諸佛盡稱揚

藥師會上 瑠璃光王 八大菩薩降吉祥 七佛護

壇場 日月威光 滅罪免災殃

藥師大願 功德無邊 大千沙界盡包含 寶地佈

金蓮 我佛弘宣 福壽廣增延

南無藥師海會佛菩薩摩訶薩（三稱）

補闕真言

南無喝囉怛那哆囉夜耶。佉囉佉囉。俱住俱住。
摩囉摩囉。虎囉。吽。賀賀。蘇怛拏。吽。潑抹
拏。娑婆訶。

收經偈

三塗永息常離苦 六趣休隨汨沒因
河沙含識悟真如 萬類有情登彼岸

回向偈

願以此功德
上報四重恩
若有見聞者
盡此一報身

莊嚴佛淨土
下濟三塗苦
悉發菩提心
同生極樂國

難字索隱

一、普門品

(一) 為：同「爲」

(二) 瑠璃：琉，本作瑠（今作瑠）。青色之寶石也。西京雜記：『昭陽殿窗扉多是綠琉璃。』非是琉璃瓦之類。

(三) 車渠：海中大貝，背上壘文如車輪之渠。（見本草綱目）後人於字偏加石。

(四) 碼瑙：又名文石，為結晶石英、玉髓及蛋白石在岩石之空隙中漸次沈澱而成。今通作瑪瑙。

(五) 刹：刹。

(六) 杻：杻。

(七) 將：將。

(八) 齋：齋。

(九) 嫪：見說文解字。今多以『淫』代之。

(十) 瞋恚：イウ_レフ_レ。 (十一) 毘：ヒ_レ。 (十二) 「乾闥」婆：ク_レフ_レフ_レ。

(十三) 偈：ヒ_レ。 (十四) 蜃：ヒ_レフ_レ。 (十五) 電：ウ_レフ_レ。

(十六) 澍：ヒ_レフ_レ。 (十七) 怙：ヒ_レフ_レ。 (十八) 耨：フ_レフ_レ。

二、阿彌陀經

(一) 龜茲：ク_レフ_レズ_レ：龜，音鳩。漢西域諸國之一。約在今新疆庫車。_{フル}

(二) 祇：ク_レ。給：ヒ_レ。

(三) 摩訶「目乾連」：即大『目犍連』(Mahāmāudgalīyāna)。乾，

音ク_レフ_レ；犍，音ク_レフ_レ，又音ヒ_レフ_レ。

(四) 迦葉：ヒ_レフ_レフ_レ。(Kāśyapaḥ)

(五)迦梅延：(Kātyāyanah)，梅_{出マ}，音「旃」。

(六)拘絺羅：(Kauṣṭhīla)亦作俱絺羅。絺，音イ。

(七)周利槃陀迦：(Suddhipanṭhaka)亦作周利槃陀伽。

(八)難陀_{ナマ} _{ナミ} (Nanda)。(九)阿難陀 (Ananda) (十)睺_フ _ヌ。

(十一)憍：_ヒ _ム。

(十二)摩訶劫賓那：「那」音_ナ _ム。(Mahākaphiṇa)

(十三)薄俱羅 (Vakula)

(十四)阿菟樓駄：即「阿那律陀」(Aniruddha)。

(十五)乾：_ク _マ。(十六)楯：_マ _ム。(十七)市：_マ _ム。

(十八)頗梨：又作「頗黎」、「玻璃」，此云水玉、白珠、水精；即

水晶，有紫、白、紅、碧四色。非白砂、石灰石等所製成者。

(十九) 裓：セ，衣裾；衣之前襟也，世俗沿衣之前後皆曰裾。

(廿) 白鵠(hansa)：即白天鵝。此經中白鵠與舍利，玄奘大師譯本稱讚淨土佛攝受經作「鵠鴈、鶩鶩、鴻鵠」。

(廿一) 舍利(sari)：水鳥，即禿鶩セウ，亦單稱鶩，即百舌鳥。易緯·

通卦驗：『百舌能反覆其口，隨百鳥之音。』本草綱目：『禿鶩，

狀如鶴而大，青蒼色，張翼廣五、六尺，舉頭高六、七尺，長頭赤目；頭項無毛，頂皮紅色，如鶴頂；喙深黃色而扁直，長尺餘；ムク下亦有胡袋如鶩ムク狀；足爪如雞，黑色。』

(廿二) 迦陵頻伽(kalavinka)：此云美音鳥、妙聲鳥。此鳥本出雪山，在穀中クセ即能鳴，其音和雅，聽者無厭。

(廿三)共命鳥：梵名耆婆耆婆，一身兩頭，果報同，心識別。

(廿四)阿鞞跋致：鞞，音々。譯曰不退轉。大智度論七十三曰：『得是無生法，不作不起諸業行，是名得無生法忍。得無生法忍菩薩，是名阿鞞跋致。』無生法忍，略云無生忍；遠離生滅之眞如實相理體也。眞智安住於此法而不動，謂之無生法忍；於初地（一曰七、八、九地）所得之悟境也。

(廿五)阿閼鞞(Akṣobhya)：如來名，亦譯阿閼，即無動、不動、無瞋恚。閼，音イメ。

(廿六)沮，音レム。

(廿七)共所護念：所，語中助詞。禮・檀弓：「君無所辱命。」

三、金剛經

(一)般若：音^ウサ^マ。^マ(prajñā)

(二)洹：音^フマ^マ。

(三)阿蘭那行者(*araṇāvihārin*)

(四)與我受記：猶「為我受記」，即「授記我」。

四、藥師經

(一)藥師瑠璃光如來(*bhaiṣajyaguru-vaidūrya prabhaḥ*)：又有大醫王佛、醫王善逝等稱。梵名韓殺社窣嚧，為東方淨瑠璃國之教主，發十二大誓願救眾生之病源，治無明之痼疾。

(二)薄伽梵(*bhagavān*)：義即世尊。

(三)廣嚴城(Vaiśālī)：義即毘舍離城。

(四)苾芻(bhikṣu)：即比丘。苾，音フゝ。

(五)曼殊室利(Maṇjuśrī)：即文殊師利。

(六)殑伽河：殑伽又云恆伽，譯曰天堂來，佛經中多譯曰恆河，源出喜馬拉雅山(雪山)。殑，音フゝ。伽，音フゝ。

(七)無上丈夫：調御士：玄奘所譯與義淨所譯之藥師瑠璃光七佛本願功德經同。

(八)曜：音フゝ。同耀。

(九)攣，音フカ。𦏧音フゝ，同躡。𦏧，音フカ。

(十)黠，音フツ。

(十一) 胃，音_ヒム，結繫；蟲類吐絲縛住他物。

(十二) 錄，取也。纍，音_カヘ，大索也。說文解字無「縲」字。

撻_タ，打也。

(十三) 虻，音_ム，形像蒼蠅，愛吸人畜的血。

(十四) 翫，音_ム，通「玩」。

(十五) 闕，音_ム，皇宮前頒布法令的望樓。

(十六) 愒，音_カ，同「吝」。

(十七) 闕，音_ム，通「缺」。

(十八) 胝，音_チ，俱胝，譯曰億。

(十九) 穀，音_ム，鳥卵之通稱。

(廿) 喜，音_シ，古「喜」字，此即「嗜」義。

(廿一)藥叉：即夜叉，譯曰捷疾鬼。羅刹婆，略云羅刹，惡鬼之通名。

(廿二)厭媚：厭，通「魔」^マ，順從也，服也。媚，愛也，諂也。

(廿三)鄒：音^ノ，同「塢」。鄒波索迦，即優婆塞；鄒波斯迦，

即優婆夷。譯曰清淨(信)士、女，總稱受五戒之男子和女子。

(廿四)瘵：音^レ。素問·玉機真藏論：『病筋脈相引而急，病名

曰瘵。』即筋肉抽搐^{ムク}。抽搐多是氣血不足。

(廿五)「於」與：發語辭。如易·繫辭：『於稽其類，其衰世之意

邪！』

(廿六)嶮：音^ノ，山高峻的樣子。同「險」。

(廿七) 蚰コ，又，又。蚰蜒，節足動物，和蜈蚣同類。

(廿八) 琰魔：又作閻魔、閻摩羅、閻羅等。譯曰縛。縛罪人之義。

琰，音コ。

(廿九) 具：通「俱」，完備。

(卅) 揲：音セ，以手度物。

(卅一) 安隱：隱，音コ；與「殷」通，盛也。安隱，謂安定富盛。

文選左思蜀都賦：「邑居隱賑，夾江傍山。」賑：富也，見說文。出穀物以救災荒曰捐賑、放賑。

(卅二) 中宮：漢舊儀稱皇后為中宮，見周禮天官內宰疏。采女：後

漢書·皇后紀：『置美人、宮人、采女三等。』王先謙集解引

惠棟曰：「采者，擇也。」案采女在漢為宮女之一種稱號，以

其選自民家，故曰采女；後則用為宮女之通稱。

(卅三)愈：通「癒」。

(卅四)厭，音^ㄢ，壓也，服也。又今作「魘」（夢驚）。

(卅五)坐：通「座」。三國志魏志王粲傳：「車騎填巷，賓客滿坐。」

(卅六)頤，音^ㄘ。備，音^ㄅ。

(卅七)捷：音^ㄘ，又音^ㄘ。

(卅八)窶嚕：窶，局羽切，音「句」（應讀如^ㄍ）。

(卅九)邪：與「耶」通用。

(註) 以上經文鈔錄自大正藏，並依乾隆大藏經（龍藏）、丁福保佛學

大辭典、中華書局辭海加以校對、註解。又唐宋以前譯的咒語

須念河洛音，否則失真。例如「耶」讀如「ㄚ̃」，「也」、「野」亦讀如「ㄚ̃」，「夜」讀如「ㄚ̃」，「迦」讀如「ㄍㄚ̃」，「俱」讀如「ㄍㄨ̃」，「社」讀如「ㄙㄚ̃」；「無」讀為「物扶切」，河洛音「霧」陽平聲；「佛」為「步物切」，讀如「ㄅㄨ̃」，……

（不過，絕大部分咒語中的字，北京音和河洛音是相近的。）

普為出資及讀誦受持
輾轉流通者回向偈曰

願以此功德

消除宿現業

增長諸福慧

圓成勝善根

所有刀兵劫

及與饑饉等

悉皆盡滅除

人各習禮讓

讀誦受持人

輾轉流通者

現眷咸安樂

先亡獲超昇

風雨常調順

人民悉康寧

法界諸含識

同證無上道

佛曆二五五七年／西元二〇一三年十二月

阿彌陀經、普門品、金剛經、藥師經

發行人：簡豐文

出版者：財團法人佛陀教育基金會

地址：100 台北市杭州南路一段五十五號十一樓

網址：<http://www.budaedu.org>

E-mail：budaedu@budaedu.org

電話：(011) 3395-1198

傳真：(011) 3391-1341

劃撥戶名：財團法人佛陀教育基金會

郵局劃撥帳號：076949979

銀行名稱：台灣銀行城中分行（請於電匯或轉帳後告知本會用途）

銀行帳號：0450004597503

本會經書免費結緣之請取方式如下：

(一) 親臨本會三樓講堂

(二) 撥打電話：(02) 23951198 分機：11、12

(三) 撥打電話：(02) 23951198 分機：11、12

(四) 網址：<http://www.budaedu.org/books/>

(五) 寫信指定：本會法寶流通股。

為提高服務效率，請您嚴謹考量，慎選所需經書；儘量少用電話，多利用文字方式請

取，並請詳寫經書名稱、冊數及收件人姓名、地址、電話、郵遞區號，以減少本會之處理

時間；若大量申請，請註明用途，且避免姓名、地址等文字上書寫之錯誤。

◎ 本會經書，歡迎翻印（請勿增刪），贈送流通，功德無量。

◎ 本會交通：

※ 捷運：善導寺站5號出口，至杭州南路右轉，過兩個紅綠燈。

※ 公車站牌：審計部站—212、299、232、205、276、605、257、262

台北商業技術學院—253、297、237 仁愛路二段—253、297 開南商工—208

仁愛路、杭州南路（紹興街）口—630、270、263、245、621、651、37、261

恭印：一〇〇〇本

流水號：12895
書號：G390-18



行政院新聞局出版事業登記證局版臺業字第三八六九號

